

Gvangjsih Minzcuz Bau

Cawjguenj: Gvangjsih Bouxcuengh Swcigh Minzcuz Cunghgyau Swvu Veijyenzei

Cawjbanh: Gvangjsih Minzcuz Bause

Geiz neix 8 banj

广西民族报 Aenhauh okbanj: CN45-0036

B.2024

Nd.10 Ng.23

Liggaeuq gyapsaenz nienz ndwengouj ngeih'it Geizsoq: Gungh daih 3642 geiz

Sam Geiqdoh Gonq Gvangjsih Vaimou Huq Cincuzgouj Dij 5217.7 Ik Maenz

Gicej mboengneix daj Nanz-ningz Haijgvanh roxyiuj, bineix sam geiqdoh gonq, Gvangjsih vaimou huq cincuzgouj dij 5217.7 ik maenz, doengzbeij demmaj 9.1%.

Geij bi neix daeu, Gvangjsih caeuq aen guekgia caezhwnq "it rangh it loh" gaicawx baedauq laebdaeb hoenghwd, cincuzgouj baujmaenh demmaj. Sam geiqdoh gonq, Gvangjsih caeuq aen guekgia caezhwnq "it rangh it loh" cincuzgouj 3936.5 ik maenz, doengzbeij demmaj 14.7%, hawj Gvangjsih vaimou hwnghat miz cengdingx rengzrd.

Daj guekgia caeuq digih yawj,

sam geiqdoh gonq caeuq Yeznanz cincuzgouj 2120.8 ik maenz, doengzbeij demmaj 22%, caeuq Feihcouh, Nanzya digih aen guekgia caezhwnq "it rangh it loh" cincuzgouj doengzbeij faenbied demmaj 14.9%、4.7%. Daj huq daeu, yawj, gozcanj heiqci nwnghyenz moq ci ndei youh bienz-geiz, ndaej daengz gyoengq vunz guek rog haenggyaez, daiqdoengh Gvangjsih mizgven canjbinj cuzgouj demmaj. Sam geiqdoh gonq, Gvangjsih caeuq aen guekgia caezhwnq "it rangh it loh" cuzgouj lijdenciz, heiqci dendung doengzbeij faenbied demmaj 237.4%、13.9%.

Riengz hawciengz guek rog aeuyungh laebdaeb hwnjsang, gih raeuz giyez mboujduenh gyalai rengz yenzfaz canjbinj, gya' gvangq hawciengz guek rog. Sam geiqdoh gonq, Gvangjsih gihden, lauzdung mizcizhingz canjbinj cuzgouj baujmaenh demmaj, faenbied cuzgouj 1645.3 ik maenz, 505.7 ik maenz, doengzbeij faenbied demmaj 18.5%、22%. Ndawde, dengungh gicaiz, doenghyienghdaemj, denswj yenzgen, heiqci, huq suliu guh cuzgouj baujmaenh demmaj song vih soq, demmaj fukdoh faenbied dwg 56.6%、16.3%、49.8%、12.4%、57.4%; huq ceij guh, gang, gihbwnj

youjgih vayozbinj faenbied cuzgouj 74.5 ik maenz, 19.7 ik maenz, 18.3 ik maenz, doengzbeij faenbied demmaj 54%、71.9%、25.5%.

Bineix doxdaeu, Gvangjsih gyalai cujcz giyez camgya gak loih gozci canjvei, vih giyez daezhawj aen seizgei langhbaij canjbinj, gya' gvangq hawciengz, minzyingz giyez gyavaiq yamqdin "byaij okbae", cincuzgouj laebdaeb demmaj. Sam geiqdoh gonq, Gvangjsih minzyingz giyez cincuzgouj 3578.5 ik maenz, doengzbeij demmaj 24.7%.

(daj 《Gvangjsih Yizbau》 aeu daeu, hoiz Loz Cing Vangz Yajmeiz)

Hocouh: Suenggangq Nyaengq Dajsou

Suenggangq yaek daengz, Hocouh Si Bingz-gvei Gih Vangzdenz Cin gyoengqvunz bouxguh-naz cingq cagaenj sou haeux miuzlaeng, baujmaenh haeux sou haeuj cang. Ndaw doz dwg 10 nyied 20 hauh, Hocouh Si Bingz-gvei Gih Vangzdenz Cin Yinghsiz Cunh doengh naz henjrwdrwd baenz sou lo.

(Vangz Yuzhuz ingj)



Ciet Makndae Gveilinz Gunghcwngz Gaiq Daih 21 Haimuq

10 nyied 19 hauh, ciet makndae Gveilinz Gunghcwngz gaiq daih 21 nem 2024 nienz Betgveiq gohbuj daih hengzdoengh Gunghcwngz hai-nduj yizsiz hozdung youq Lenzvah Cin guh.

Ciuq cam rox, bineix ciet makndae daj 10 nyied 19 hauh hainduj, itcig daengz 2025 nienz 2 nyied 15 hauh, duenh seizgan neix

yaek banh aen hozdung langhbaij mbawsiengq "yawj Gunghcwngz", haw gai huq miz daegsaek Gunghcwngz, cigboq gai huq daengj, hawj bouxhek lai rox gij daegsaek gag miz Gunghcwngz.

Gunghcwngz Yauzcuz Swciyen miz aen cwnghueh "aen mbanj makndae Cungguek", daj 2003 nienz doxdaeu, Gunghcwngz gaenq banh

baenz 20 gaiq ciet makndae. "Ciet makndae Gunghcwngz" baengh "cimz makndae Mbanjyauz, yawj funggingi suen makndae, gwn youzczaz Gunghcwngz, youq ranzmbanj swnghdai" guh daegsaek, doicaenh gij canjnieb makndae Gunghcwngz caeuq swnghdai, vwnzva, lijyouz daengj canjnieb yungzhab hwnghat, guhbaenz diuz loh sienq ndei baeyouz lajmbanj.

Seizneix, Gunghcwngz ndaem makndae najdieg ca mbouj geijlai 24 fanh moux, baenz mak daih'iek 87 fanh dun, bi gai baenz cienz daih'iek 74 ik maenz, aeu makndae gyagoeng baenz huq gyalai lo, huq dij cienz hix gyalai, gij canjnieb makndae hawj gak cuz vunzlai lai miz ngaenz roengz daeh.

(Sinhvazse)